

اخوك من الضياع!

قم ضمّني
وأعتق حنيني لـ الجهات الأربعة
ما تسمعه؟
صوتٍ بـ صدري كلما يطري وداع
مَنْ أقصى دركٍ فـ الحزن
يقول لي:
أنا أخوك مَن الضياع!
مثل الغصون اليابسه أيبس معك
تجمعني في حقبة غروب
وأنا أفـ هروبك أجمعك
روحك سفينة دشت فـ بحر فقدك
- بلا شراع -
وباغتها الغرق
متبددٍ بين انكسارك والأرق
ليه الفضاء يلفظ بـ حلمك ما يطير
ليه الكثير مَن الشتات

يرسم بـ وجهك ظل هارب من هجير؟
ويترك بـ روحك أسأله تقتاتني
وقت الفـ «.....» الغ
كنت المطر في الذكريات
كنت الحياة
كنت الحياة اللي عبر فيها الفرح
والأغنيات
بس الجهات .. اللي تضيق
ما كبرت في داخلك غير الرحيل
الله يسامح: صمتك الفايض وبعض
الامنيات
والبارحة:
في عز حزني أشتقت لك
وفي هالمدى زحمة رياح
وأصوات في روحي تعوم:
ما فـ وجهك غير تغريبة و جراح

وبعض برد و وصمت متكسد على شفاهك
ارجع الي منفاك .. كافي
لا تمرجح حرفك الذابل بـ صمتك: الشعر
ماعاد دافي
من بعدها: احتجت لك!
قد السنين اللي مضت
احتجت أشوفك:
فـ الشتا
فـ الروح
فـ الحي القديم
فـ الشارع الضيق
فـ الشاغر اللي داخلي يكتب شعر
في وجية ناس يشبهونك
فـ العتيم
احتجت لك والله العظيم

عمر المسفر

